



Concello de Vigo

YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 13 de abril de 2023**, adoptou o seguinte acordo:

12.- BASES REGULADORAS E CONVOCATORIA ESPECÍFICA DA CONCELEIRÍA DE IGUALDADE PARA A CONCESIÓN DE SUBVENCIÓNS A ENTIDADES DEPORTIVAS DE VIGO PARA A PROMOCIÓN DO DEPORTE FEMININO NA TEMPADA 2022/2023 OU DO ANO 2023 NO CASO DAS MODALIDADES CUXA TEMPADA DEPORTIVA SEXA ANUAL. EXPTE. 12101/224.

Visto o informe xurídico do 27/03/2023 e o informe de fiscalización do 05/04/2023, dáse conta do informe-proposta de data 23/03/2023, asinado pola xefa de Igualdade, a asesora xurídica do Servizo, a concelleira-delegada de Área e polo concelleiro-delegado de Orzamentos e Facenda, que di o seguinte:

Este expediente recolle as bases reguladoras e a convocatoria específica da Concellería de Igualdade para a concesión de subvencións en réxime de concorrencia competitiva a clubs deportivos, asociacións e agrupacións deportivas e entidades deportivas que promovan o deporte feminino (licenzas femininas en equipos ou en categorías individuais), teñan o seu enderezo social ou delegación en Vigo, contén con personalidade xurídica propia, carezan de ánimo de lucro e reúnan os requisitos establecidos nas bases reguladoras, co obxecto de contribuír a financiar os gastos ocasionados polo seu funcionamento e a súa actividade deportiva na tempada 2022/2023 ou do ano 2023 no caso das modalidades cuxa tempada deportiva sexa anual.

O deporte é un pilar básico para a saúde e o benestar, tanto físico como psicolóxico, que potencia a estima das persoas que o practican, ao igual que o coñecemento do seu propio corpo, motivando un estilo de vida con hábitos saudables. Asemade, o deporte é un medio para afirmar a personalidade dun xeito integral, que lle aprende a quen o practica cualidades como o liderado, a autosuperación, o compañeirismo e a autoestima. O deporte tamén é un espazo socializador que axuda na prevención de prácticas discriminatorias e violentas e a súa práctica, en igualdade de condicións para mulleres e homes, repercute nunha sociedade máis igualitaria.

Porén, o acceso e a participación das mulleres no ámbito deportivo foi tardío e, aínda hoxe, a súa presenza é menor en case todas as modalidades da práctica recreativa, competitiva e/ou profesional, así como en todas as estruturas que conforman o sistema deportivo. Xeralmente, as nenas, a partir dos doce anos de idade, abandonan de xeito preocupante as prácticas deportivas, renunciando aos seus beneficios físicos e psíquicos, nunha idade especialmente importante para formar a personalidade. Como ocorre noutros ámbitos, as mulleres deben superar barreiras e estereotipos que limitan a súa participación no deporte e xeran desigualdade.

No deporte federado a presenza das mulleres e das nenas segue sendo minoritaria producíndose unha clara segregación horizontal e vertical. Esta realidade é patente no ámbito estatal, autonómico e municipal: os datos que reflicten a escasa participación das mulleres e nenas nas entidades deportivas da cidade son semellantes en Galicia e en España, en termos porcentuais.



Copia do documento - Concello de Vigo	Data impresión: 04/07/2024 03:56	Páxina 1 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Isto avala que non se trata dunha situación puntual, ou froito do azar, senón que responde a mecanismos de desigualdade directos e indirectos aínda existentes na sociedade.

Tamén é salientable a menor repercusión que teñen nos medios de comunicación a participación deportiva e os logros conseguidos por mulleres ou nenas deportistas. As competicións masculinas adoitan contar con maior impacto social, recursos e interese que as realizadas por mulleres. Esta invisibilización repercute de forma negativa na percepción das deportistas sobre a súa práctica, inflúe tamén minorando a afluencia de público nas competicións femininas, limita o acceso ao financiamento dos propios clubs e equipos con licenzas femininas e, por último, o feito de ter menos referentes de mulleres deportistas reflectidas nos medios, un dos principais axentes socializadores, obstaculiza o acceso das nenas e mulleres á práctica deportiva.

Todo o exposto confirma que as mulleres non teñen as mesmas oportunidades que os homes neste eido e avala a necesidade de establecer políticas públicas tendentes a corrixir esa situación de desigualdade, que axuden a remover estes obstáculos e promovan o acceso, permanencia e promoción das nenas, adolescentes e mulleres na práctica deportiva.

A Lei orgánica 3/2007, do 22 de marzo, para a igualdade efectiva de mulleres e homes, imponlles aos poderes públicos que establezan medidas explícitas e accións positivas para acadar a igualdade real e efectiva de mulleres e homes. No ámbito do deporte, establece no seu artigo 29 que *“todos os programas públicos de desenvolvemento do deporte incorporarán a efectiva consideración do principio de igualdade real e efectiva entre mulleres e homes no seu deseño e execución”*, así como que *“o Goberno promoverá o deporte feminino e favorecerá a efectiva apertura das disciplinas deportivas ás mulleres, mediante o desenvolvemento de programas específicos en todas as etapas da vida e en todos os niveis, incluídos os de responsabilidade e decisión”*.

A Lei 3/2012, do 2 de abril, do deporte de Galicia no seu artigo 3.b) establece como principio reitor *“o dereito de todos os cidadáns a coñecer e a practicar deporte de forma libre, voluntaria e democrática, en termos de igualdade e sen discriminación ningunha”*, e no artigo 5.3 dispón que *“no exercicio das competencias atribuídas á Administración autonómica, integrárase a dimensión da igualdade de oportunidades entre as mulleres e os homes e evitárase calquera elemento de discriminación directa ou indirecta”*.

A esta finalidade da convocatoria refírense os artigos 25.2.l) e o) da Lei 7/1985, do 2 de abril, reguladora das bases do réxime local, e 80.2.n) e o) da Lei 5/1997, do 22 de xullo, de administración local de Galicia.

Por todo o exposto, o Concello de Vigo pretende promover o deporte feminino a través do apoio ás entidades deportivas da cidade que fomenten a participación e a promoción das nenas e mulleres nas distintas disciplinas deportivas. No ano 2017, a Concellería de Igualdade, a través da convocatoria de subvencións específicas, destinou 27.000 euros para esta finalidade e foron beneficiarias desta liña de subvencións un total de 56 entidades deportivas. Nos anos seguintes incrementouse esta cantidade a 45.000 euros e aumentaron as entidades beneficiarias. Así, no ano 2022 foron 79 os clubs vigueses que se beneficiaron desta liña de subvencións.

Para este mesmo fin, destínase no ano 2023 un crédito máximo de 45.000 euros que se fará efectivo con cargo á aplicación orzamentaria específica 2311 4890000 *Promoción da igualdade e do deporte feminino* do orzamento do Servizo de Igualdade aprobado para o ano 2023.



Copia do documento - Concello de Vigo	Data impresión: 04/07/2024 03:56	Páxina 2 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



A concesión destas subvencións efectuarase baixo os principios de publicidade, concorrncia e obxectividade. As bases reguladoras e a convocatoria destas subvencións teñen por obxecto regular a concesión das axudas e iniciar o procedemento para a dita concesión.

En relación co cumprimento dos procedementos para a concesión en réxime de concorrncia competitiva establecidos na Lei 9/2007, do 13 de xuño, de subvencións de Galicia, o presente expediente considera os principios recollidos no artigo 20 da citada lei e, asemade, recolle os mecanismos establecidos na Resolución do 15 de xuño de 2020 da Intervención Xeral da Administración do Estado pola que se regula o proceso de rexistro e publicación de convocatorias no Sistema Nacional de Publicidade de Subvencións e Axudas Públicas.

En aplicación do que dispoñen os artigos 31.2 da Lei 38/2003, do 17 de novembro, xeral de subvencións e 29.2 da Lei 9/2007, do 13 de xuño, de subvencións de Galicia, que permiten a excepción á regra xeral de considerar gasto realizado o que ten sido efectivamente pagado con anterioridade á finalización do período de xustificación determinado pola normativa reguladora da subvención sempre que se estableza de forma expresa nas bases reguladoras, non é necesario acreditar o pagamento dos gastos subvencionados para xustificar a subvención concedida atendendo á escasa contía das axudas que se outorgan nesta convocatoria e a insuficiente capacidade económica da maior parte das entidades que concorren.

A lexislación aplicable ás bases reguladoras e á convocatoria específica destas subvencións será a Lei 9/2007, do 13 de xuño, de subvencións de Galicia, a Lei 38/2003, do 17 de novembro, xeral de subvencións e o Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións, nos seus preceptos básicos; a lexislación básica estatal en materia de réxime local e de procedemento administrativo común; o Regulamento (UE) 2016/679 – RXPD do Parlamento Europeo e do Consello sobre protección de datos de carácter persoal e demais disposicións vixentes na materia; os preceptos non básicos da Lei 38/2003 e do Real Decreto 887/2006; as bases de execución do orzamento do Concello de Vigo aprobadas para o exercicio 2023 e o Plan Estratéxico de Subvencións do Concello de Vigo 2021-2023; as restantes normas de dereito administrativo e, no seu defecto, as normas de dereito privado.

Polo exposto, previo o preceptivo informe xurídico e da Intervención Xeral, propónse á Xunta de Goberno Local que adopte o seguinte acordo:

PRIMEIRO: Aprobar as bases reguladoras específicas da Concellería de Igualdade para a concesión de subvencións a entidades deportivas de Vigo para a promoción do deporte feminino na tempada 2022/2023 ou do ano 2023 no caso das modalidades cuxa tempada deportiva sexa anual, cos seus correspondentes anexos, que se incorporan ao expediente.

SEGUNDO: Aprobar o texto da convocatoria de subvencións a entidades deportivas de Vigo para a promoción do deporte feminino na tempada 2022/2023 ou do ano 2023 no caso das modalidades cuxa tempada deportiva sexa anual e o extracto da mesma (incorporados ao expediente), que se remitirán á Base de Datos Nacional de Subvencións en base ao establecido na Resolución do 15 de xuño de 2020, da Intervención Xeral da Administración do Estado, pola que se regula o proceso de rexistro e publicación de convocatorias no Sistema Nacional de Publicidade de Subvencións e Axudas Públicas.

TERCEIRO: Aprobar a autorización de gasto por importe máximo de 45.000 euros (corenta e cinco mil euros), que se imputará á aplicación orzamentaria específica 2311 4890000 *Promoción*



Copia do documento - Concello de Vigo	Data impresión: 04/07/2024 03:56	Páxina 3 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

da igualdade e do deporte feminino do orzamento do Servizo de Igualdade aprobado para o ano 2023, para atender as solicitudes presentadas ao abeiro desta convocatoria.”

ACORDO

A Xunta de Goberno local aproba a proposta contida no precedente informe.

BASES REGULADORAS ESPECÍFICAS DA CONCELEIRÍA DE IGUALDADE PARA A CONCESIÓN DE SUBVENCIONS A ENTIDADES DEPORTIVAS DE VIGO PARA A PROMOCIÓN DO DEPORTE FEMININO NA TEMPADA 2022/2023 OU DO ANO 2023 NO CASO DAS MODALIDADES CUXA TEMPADA DEPORTIVA SEXA ANUAL. EXPEDIENTE 12101/224

EXPOSICIÓN DE MOTIVOS

O deporte é un pilar básico para a saúde e o benestar, tanto físico como psicolóxico, que potencia a estima das persoas que o practican, ao igual que o coñecemento do seu propio corpo, motivando un estilo de vida con hábitos saudables. Asemade, o deporte é un medio para afirmar a personalidade dun xeito integral, que lle aprende a quen o practica cualidades como o liderado, a autosuperación, o compañeirismo e a autoestima. O deporte tamén é un espazo socializador que axuda na prevención de prácticas discriminatorias e violentas e a súa práctica, en igualdade de condicións para mulleres e homes, repercute nunha sociedade máis igualitaria.

Porén, o acceso e a participación das mulleres no ámbito deportivo foi tardío e, aínda hoxe, a súa presenza é menor en case todas as modalidades da práctica recreativa, competitiva e/ou profesional, así como en todas as estruturas que conforman o sistema deportivo. Xeralmente, as nenas, a partir dos doce anos de idade, abandonan de xeito preocupante as prácticas deportivas, renunciando aos seus beneficios físicos e psíquicos, nunha idade especialmente importante para formar a personalidade. Como ocorre noutros ámbitos, as mulleres deben superar barreiras e estereotipos que limitan a súa participación no deporte e xeran desigualdade.

No deporte federado a presenza das mulleres e das nenas segue sendo minoritaria producíndose unha clara segregación horizontal e vertical. Esta realidade é patente no ámbito estatal, autonómico e municipal: os datos que reflicten a escasa participación das mulleres e nenas nas entidades deportivas da cidade son semellantes, en termos porcentuais, en Galicia e en España. Isto avala que non se trata dunha situación puntual ou froito do azar, senón que responde a mecanismos de desigualdade directos e indirectos aínda existentes na sociedade.

Tamén é salientable a menor repercusión que teñen nos medios de comunicación a participación deportiva e os logros conseguidos por mulleres ou nenas deportistas. As competicións masculinas adoitan contar con maior impacto social, recursos e interese que as realizadas por mulleres. Esta invisibilización repercute de forma negativa na percepción das deportistas sobre a súa práctica, inflúe tamén minorando a afluencia de público nas competicións femininas, limita o acceso ao financiamento dos propios clubs e equipos con licenzas femininas e, por último, o feito de ter menos referentes de mulleres deportistas reflectidas nos medios, un dos principais axentes socializadores, obstaculiza o acceso das nenas e mulleres á práctica deportiva.



Copia do documento - Concello de Vigo	Data impresión: 04/07/2024 03:56	Páxina 4 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Todo o exposto confirma que as mulleres non teñen as mesmas oportunidades que os homes neste eido e avala a necesidade de establecer políticas públicas tendentes a corrixir esa situación de desigualdade, que axuden a remover estes obstáculos e promovan o acceso, permanencia e promoción das nenas, adolescentes e mulleres na práctica deportiva.

A Lei orgánica 3/2007, do 22 de marzo, para a igualdade efectiva de mulleres e homes, imponlles aos poderes públicos que establezan medidas explícitas e accións positivas para acadar a igualdade real e efectiva entre mulleres e homes. No ámbito do deporte, establece no seu artigo 29 que *“todos os programas públicos de desenvolvemento do deporte incorporarán a efectiva consideración do principio de igualdade real e efectiva entre mulleres e homes no seu deseño e execución”*, así como que *“o Goberno promoverá o deporte feminino e favorecerá a efectiva apertura das disciplinas deportivas ás mulleres, mediante o desenvolvemento de programas específicos en todas as etapas da vida e en todos os niveis, incluídos os de responsabilidade e decisión”*.

A Lei 3/2012, do 2 de abril, do deporte de Galicia no seu artigo 3.b) establece como principio reitor *“o dereito de todos os cidadáns a coñecer e a practicar deporte de forma libre, voluntaria e democrática, en termos de igualdade e sen discriminación ningunha”*, e no artigo 5.3 dispón que *“no exercicio das competencias atribuídas á Administración autonómica, integrárase a dimensión da igualdade de oportunidades entre as mulleres e os homes e evitárase calquera elemento de discriminación directa ou indirecta”*.

Por todo o exposto, o Concello de Vigo pretende promover o deporte feminino a través do apoio ás entidades deportivas da cidade que fomenten a participación e a promoción das nenas e mulleres nas distintas disciplinas deportivas. No ano 2017, a Concellería de Igualdade, a través da convocatoria de subvencións específicas, destinou 27.000 euros para esta finalidade e foron beneficiarias desta liña de subvencións un total de 56 entidades deportivas. Nos anos seguintes incrementouse esta cantidade a 45.000 euros e aumentaron as entidades beneficiarias. Así, no ano 2022 foron 79 os clubs vigueses que se beneficiaron desta liña de subvencións.

Para este mesmo fin, destínase no ano 2023 un crédito máximo de 45.000 euros que se fará efectivo con cargo á aplicación orzamentaria específica 2311 4890000 *Promoción da igualdade e do deporte feminino* do orzamento do Servizo de Igualdade aprobado para o ano 2023.

A concesión destas subvencións efectuarase baixo os principios de publicidade, concorrencia e obxectividade.

As bases que seguen teñen por obxecto regular a concesión destas subvencións.

BASES

PRIMEIRA.- OBXECTO DA SUBVENCIÓN

O obxecto das subvencións ás que se refiren as presentes bases responde á finalidade de promover o deporte feminino a través do apoio económico ás entidades deportivas da cidade de Vigo que fomenten a participación e promoción das nenas e mulleres nas distintas disciplinas deportivas (equipos e/ou individuais). Este apoio materializarase na contribución ao financiamento dos gastos ocasionados polo funcionamento destes clubs deportivos, asociacións e agrupacións deportivas e entidades deportivas do municipio de Vigo, durante a tempada deportiva 2022/2023 ou do ano 2023 no caso das modalidades deportivas cuxa tempada sexa anual.



Copia do documento - Concello de Vigo	Data impresión: 04/07/2024 03:56	Páxina 5 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

SEGUNDA.- GASTOS SUBVENCIONABLES

Serán gastos subvencionables os que de xeito indubidable correspondan ao funcionamento da entidade solicitante e sexan ocasionados pola actividade propia desta relacionada directamente coas licenzas femininas e os motivados pola participación ou organización das actividades deportivas dos equipos con licenzas femininas.

Tendo en conta o establecido no parágrafo anterior, terán a consideración de gastos subvencionables os seguintes:

- Pagamento das licenzas federativas femininas
- Viaxes, aloxamentos e comidas (concreción de menús) das deportistas femininas ou dos equipos femininos nos desprazamentos necesarios para as actividades deportivas de competición e/ou clasificación
- Inscripcións en competicións e probas das deportistas ou dos equipos femininos
- Arbitraxes de competicións e probas das deportistas femininas
- Equipo técnico e deportivo adestrador das deportistas ou dos equipos femininos
- Equipamento das deportistas femininas sempre que este equipamento incorpore o logo do Concello de Vigo
- Compra de material deportivo necesario para o adestramento ou competición das deportistas ou dos equipos femininos
- Alugueiro de instalacións deportivas para a actividade deportiva das deportistas ou dos equipos femininos, gastos telefónicos, de internet e mantemento das aplicacións web e/ou presenza dixital

En xeral, serán subvencionables todos os gastos ocasionados polo funcionamento da entidade deportiva que garden relación directa coa actividade deportiva das deportistas femininas ao longo da tempada 2022/2023 ou do ano 2023 no caso das modalidades cuxa tempada deportiva sexa anual.

Non se valorará como gasto subvencionable o uso das instalacións deportivas municipais do Concello de Vigo cando ese gasto fose tido en conta para xustificar a subvención concedida na convocatoria específica de subvencións da Concellería de Deportes deste Concello. O Servizo de Igualdade solicitará información ao respecto ao Servizo de Deportes.

Quedan excluídos como gastos subvencionables os seguintes: a adquisición de bebidas alcohólicas de calquera tipo, espectáculos, adquisición de patrimonio e/ou investimento e calquera outro gasto que non sexa necesario para a realización da actividade subvencionada.

A beneficiaria deberá solicitar tres ofertas cando, tratándose de gastos por subministros ou servizos, estes excedan de 15.000 euros, salvo que non exista mercado para as ditas contratacións.

A tempada 2022/2023 ou 2023 estará definida para cada modalidade deportiva en función dos datos obtidos das respectivas federacións e a data de inscrición dos equipos ou das deportistas individuais. A tal efecto, o Servizo de Igualdade, no informe que se xuntará á documentación xustificativa, especificará o período comprendido pola mesma.



Copia do documento - Concello de Vigo	Data impresión: 04/07/2024 03:56	Páxina 6 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

O órgano instrutor do procedemento poderá solicitar ao Servizo de Deportes canta información e documentación teña este Servizo sobre as entidades solicitantes, co obxecto de acadar un maior coñecemento e valoración dos proxectos e entidades presentadas a esta convocatoria.

TERCEIRA.- CONTÍA TOTAL E CRÉDITO ORZAMENTARIO

A cantidade máxima destinada a estas subvencións será de 45.000 euros (corenta e cinco mil euros) que se fará efectiva con cargo á aplicación orzamentaria 2311 4890000 *Promoción da igualdade e do deporte feminino* do orzamento do Servizo de Igualdade aprobado para o ano 2023. Poderán outorgarse subvencións superando esta contía sen nova convocatoria cando se dean as circunstancias previstas no artigo 31.2 da Lei 9/2007, do 13 de xuño, de subvencións de Galicia.

CUARTA.- COMPATIBILIDADE DA SUBVENCIÓN

Estas subvencións serán compatibles con calquera outra subvención ou axuda para a mesma finalidade procedente de calquera outra Administración ou de entes públicos ou privados, estatais, da Unión Europea ou de organismos internacionais.

A entidade beneficiaria deberá comunicarlle ao Concello de Vigo a obtención doutras subvencións, axudas, ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

En calquera caso, o importe total das subvencións percibidas de distintas entidades públicas non poderá superar o custo da actividade subvencionada; no caso de superalo, procederase na forma prevista no artigo 34 do Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións, para os supostos de exceso de financiamento respecto do custo da actividade.

QUINTA.- REQUISITOS DAS BENEFICIARIAS

1.- Poderán solicitar e obter estas axudas os clubs deportivos, asociacións e agrupacións deportivas e entidades deportivas que reúnan os seguintes requisitos:

- Que teñan a súa sede social ou delegación no termo municipal de Vigo.
- Que teñan personalidade xurídica propia e carezan de ánimo de lucro.
- Que se atopen ao corrente das súas obrigas fiscais co Concello de Vigo, coa Facenda Pública estatal e autonómica e coa Seguridade Social.
- Que cumpran os demais requisitos previstos no artigo 10 da Lei 9/2007, do 13 de xuño, de subvencións de Galicia, no artigo 13 da Lei 38/2003, do 17 de novembro, xeral de subvencións e no Real decreto 887/2006, de 21 de xullo, polo que se aproba o Regulamento da Lei 38/2003, do 17 de novembro, xeral de subvencións.
- Que conten cun mínimo de 10 licenzas femininas na tempada 2022/2023 ou do ano 2023 no caso das modalidades cuxa tempada deportiva sexa anual. Exceptuarase do mínimo de licenzas ás entidades que conten, ao menos, con 1 licenza feminina de deporte adaptado.



Copia do documento - Concello de Vigo	Data impresión: 04/07/2024 03:56	Páxina 7 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

f) Que acompañen á solicitude a documentación preceptiva establecida na base 11ª.

2.- Quedan excluídas expresamente desta convocatoria:

a) As solicitudes presentadas por federacións deportivas.

b) As solicitudes presentadas por clubs pertencentes ou integrados en institucións oficiais.

c) As solicitudes que se presenten fóra do prazo estipulado na convocatoria, calquera que sexa a causa do atraso.

3.- As solicitantes deberán reunir os requisitos establecidos no artigo 10 da Lei 9/2007, do 13 de xuño, de subvencións de Galicia, e non estar incursas nas prohibicións para ser beneficiaria da subvención previstas no dito artigo. En consecuencia, as entidades solicitantes declararán non estar incursas nas prohibicións que recollen os apartados 2 e 3 do citado artigo 10 (punto 6 do anexo IV da solicitude).

4.- As solicitantes deberán toparse ao corrente no cumprimento das súas obrigas tributarias e coa Seguridade Social conforme ao establecido no artigo 22 do Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións. Dado que a contía máxima da axuda a conceder a cada beneficiaria nesta convocatoria non supera o importe de 3.000 euros, as solicitantes acreditarán que se topan ao corrente no cumprimento das súas obrigas tributarias e coa Seguridade Social de forma simplificada mediante unha declaración responsable de acordo co disposto no artigo 24 do Real Decreto 887/2006. Esta declaración responsable está incluída no punto 5 do anexo IV da solicitude.

5.- Igualmente, as solicitantes deberán acreditar que se topan ao corrente das súas obrigas co Concello de Vigo, para o cal, entenderase que, ao presentar a solicitude de subvención, autorizan á Comisión avaliadora para solicitar de oficio os datos e a documentación acreditativa de tal extremo aos departamentos administrativos responsables.

SEXTA.- OBRIGAS DAS BENEFICIARIAS

Serán obrigas das beneficiarias das subvencións, ademais das previstas nestas bases e na convocatoria e das sinaladas no artigo 11 da Lei 9/2007, do 13 de xuño, de subvencións de Galicia, as que seguen:

1.- Realizar a actividade deportiva subvencionada consonte co proxecto presentado coa solicitude, deixando constancia do financiamento municipal en calquera actividade coa inclusión da imaxe corporativa oficial.

2.- Responder da veracidade dos datos da solicitude e da documentación presentada, baixo a persoal responsabilidade da/s persoa/s que as subscriba/n.

3.- Utilizar unha linguaxe e imaxe non sexista en todo o soporte material e audiovisual que se empregue para a organización, difusión e execución das súas actividades.

4.- Someterse ás actuacións de comprobación, seguimento, control financeiro e inspección que o Concello de Vigo considere necesario.

5.- Responder legalmente do incumprimento das presentes bases.



Copia do documento - Concello de Vigo	Data impresión: 04/07/2024 03:56	Páxina 8 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- 6.- Asumir as responsabilidades que poidan derivarse da realización das actividades subvencionadas.
- 7.- Solicitar e dispor dos permisos e autorizacións necesarias para o desenvolvemento das actividades.
- 8.- Aboar as taxas, impostos, permisos, seguros e todos os demais gastos derivados da realización das actividades subvencionadas.
- 9.- As demais obrigas establecidas no artigo 11 da Lei 9/2007, do 13 de xuño, de subvencións de Galicia, no artigo 14 da Lei 38/2003, do 17 de novembro, xeral de subvencións e no Real Decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións.

SÉTIMA.- CRITERIOS PARA A CONCESIÓN DA SUBVENCIÓN

A concesión das subvencións atenderá a criterios obxectivos e se tramitarán en réxime de concorrencia competitiva, tendo sempre como límite as dispoñibilidades orzamentarias do Servizo de Igualdade destinadas para tal fin no presente exercicio.

Neste sentido, logo de excluír as solicitudes segundo o estipulado no punto 2 da base quinta, a Comisión avaliadora, para efectuar a proposta de resolución, valorará as solicitudes presentadas tendo en conta os seguintes criterios e baremos de puntuación sobre un máximo de 26 puntos:

1.- Número de licenzas femininas na tempada deportiva 2022-2023 ou do ano 2023 no caso das modalidades deportivas cuxa tempada sexa anual Ata un máximo de 16 puntos no caso das modalidades deportivas do apartado 1.1 e de 8 puntos no caso das modalidades deportivas do apartado 1.2:

1.1 Puntuación segundo o número de licenzas femininas (excepto: actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel):

- a) Con menos de 35 licenzas femininas: 4 puntos
- b) Con 35 licenzas femininas e menos de 60: 6 puntos
- c) Con 60 licenzas femininas e menos de 85: 8 puntos
- d) Con 85 licenzas femininas e menos de 110: 10 puntos
- e) Con 110 licenzas femininas e menos de 135: 12 puntos
- f) Con 135 licenzas femininas e menos de 150: 14 puntos
- g) Con 150 licenzas ou máis: 16 puntos

1.2 Puntuación segundo o número de licenzas femininas para actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel:

- a) Con menos de 70 licenzas femininas: 2 puntos
- b) Con 70 licenzas femininas e menos de 120: 3 puntos
- c) Con 120 licenzas femininas e menos de 170: 4 puntos
- d) Con 170 licenzas femininas e menos de 220: 5 puntos



Copia do documento - Concello de Vigo	Data impresión: 04/07/2024 03:56	Páxina 9 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- e) Con 220 licenzas femininas e menos de 270: 6 puntos
- f) Con 270 licenzas femininas e menos de 320: 7 puntos
- g) Con 320 licenzas ou máis: 8 puntos

Cando unha mesma entidade presente licenzas femininas correspondentes a varias disciplinas deportivas, sexan do mesmo ou de distintos apartados 1.1 e 1.2, calcularase a puntuación que corresponda a cada disciplina e logo sumarase para acadar a puntuación total do apartado 1.

2.- Porcentaxe de licenzas femininas con respecto ao total de licenzas na tempada 2022/2023 ou do ano 2023 no caso das modalidades deportivas cuxa tempada sexa anual. Ata un máximo de 5 puntos no caso das modalidades deportivas do apartado 2.1 e de 3 puntos no caso das modalidades deportivas do apartado 2.2:

2.1 Puntuación segundo a porcentaxe de licenzas femininas (excepto: actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel):

- a) Ata o 20% de licenzas femininas: 1 punto
- b) Máis do 20% de licenzas femininas ata o 40%: 2 puntos
- c) Máis do 40% de licenzas femininas ata o 60%: 3 puntos
- d) Máis do 60% de licenzas femininas ata o 80%: 4 puntos
- e) Máis do 80% de licenzas femininas: 5 puntos

2.2 Puntuación segundo o porcentaxe de licenzas femininas para actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel:

- a) Ata o 20% de licenzas femininas: 1 punto
- b) Máis do 20% de licenzas femininas ata o 40%: 1,5 puntos
- c) Máis do 40% de licenzas femininas ata o 60%: 2 puntos
- d) Máis do 60% de licenzas femininas ata o 80%: 2,5 puntos
- e) Máis do 80% de licenzas femininas: 3 puntos

Cando unha mesma entidade presente licenzas correspondentes a varias disciplinas deportivas, sexan do mesmo ou de distintos apartados 2.1 e 2.2, calcularase a porcentaxe de licenzas femininas de cada modalidade deportiva con respecto ao total de licenzas da entidade. Calcularase a puntuación para cada deporte e despois sumarase para acadar a puntuación total do apartado 2.

A documentación que se terá en conta para facer o reconto de licenzas, así como para clasificar as modalidades deportivas, será o certificado emitido pola federación correspondente no que debe constar o número de licenzas desagregadas por categoría e sexo. Estes datos cotexaranse co anexo II da solicitude, que deberá achegarse asinado pola/o secretaria/o e pola/o presidenta/e da entidade. No caso de que se atopen discrepancias entre os datos reflectidos nestes documentos, prevalecerá o certificado da federación deportiva, salvo erros materiais detectados.



Copia do documento - Concello de Vigo	Data impresión: 04/07/2024 03:56	Páxina 10 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

3.- Porcentaxe de mulleres que integran a actual xunta directiva da entidade. Ata un máximo de 5 puntos:

- a) Se ningunha muller forma parte da actual xunta directiva da entidade: 0 puntos
- b) Menos do 20% de mulleres: 1 punto
- c) Do 20% de mulleres ata menos do 40%: 2 puntos
- d) Do 40% de mulleres ata menos do 60%: 3 puntos
- e) Do 60% de mulleres ata menos do 80%: 4 puntos
- f) Do 80% de mulleres en diante: 5 puntos

OITAVA.- CONTÍA INDIVIDUALIZADA DAS SUBVENCIONS

1. O importe total máximo destinado a estas subvencións distribuirase entre todas as entidades que, por reunir os requisitos esixidos nestas bases para ser beneficiarias, sexan admitidas a participar no procedemento de concesión das subvencións, en función da puntuación acadada no proceso de avaliación que se realizará en función dos criterios previstos na base sétima.
2. O importe total da convocatoria dividirase entre a suma total dos puntos acadados pola totalidade das solicitudes admitidas, obtendo desta forma o valor unitario do punto. A subvención para cada entidade calcularase multiplicando o valor unitario do punto polos puntos obtidos.
3. Establécese a contía de 200 euros como contía mínima da subvención a conceder. As entidades que, pola súa puntuación, non acaden unha axuda igual ou superior a 200 euros quedarán excluídas.
4. Establécese a contía de 1.500 euros como contía máxima da subvención a conceder. Por conseguinte, as entidades que, pola súa puntuación, acaden unha axuda superior a 1.500 euros quedarán limitadas a esta contía.
5. No caso de quedar crédito libre, este repartirase entre as beneficiarias de forma proporcional aos puntos obtidos, tendo en conta o límite da contía máxima da axuda ou, de ser inferior, o da contía solicitada pola entidade.

NOVENA.- PROCEDEMENTO DE CONCESIÓN DAS SUBVENCIONS

O procedemento para a concesión destas subvencións será o de concorrencia competitiva que se iniciará de oficio tras a aprobación das presentes bases e da convocatoria pola Xunta de Goberno Local.

DÉCIMA.- FORMA E PRAZO DE PRESENTACIÓN DAS SOLICITUDES

En cumprimento da obriga imposta polo artigo 14.2.a) e d) da Lei 39/2015, do 1 de outubro, do procedemento administrativo común das administracións públicas (LPAC), establécese o emprego, de xeito exclusivo, de medios electrónicos para presentar a solicitude e a documentación esixida polas presentes bases, a través da sede electrónica do Concello de Vigo, por calquera dos medios de identificación e firma admitidos na sede electrónica, que se poden consultar no enlace <https://sede.vigo.org>.



Copia do documento - Concello de Vigo	Data impresión: 04/07/2024 03:56	Páxina 11 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

No caso de que se achegue a solicitude presencialmente, requirirase a súa emenda mediante a súa presentación electrónica. A estes efectos, considerarase como data de presentación da solicitude aquela na que se tivese realizado a emenda, conforme ao artigo 68.4 LPAC.

O prazo de presentación de solicitudes e documentación complementaria correspondente, segundo o disposto na base décimo primeira, é de 10 días hábiles que se contarán, nos termos do art. 30.3 da Lei 39/2015, do 1 de outubro do procedemento administrativo común das administracións públicas, dende o día seguinte ao da publicación do extracto da convocatoria no Boletín Oficial da provincia de Pontevedra, que será comunicado desde a Base de Datos Nacional de Subvencións (BDNS), que opera como sistema nacional de publicidade de subvencións, sen prexuízo da súa inserción na web do Concello de Vigo.

DÉCIMO PRIMEIRA.- SOLICITUDE E DOCUMENTACIÓN

Nesta convocatoria, cada entidade deportiva poderá presentar unha única solicitude, que deberá estar asinada pola/o presidenta/e da entidade e reunir os requisitos esixidos nestas bases e na convocatoria.

A solicitude e a documentación complementaria correspondente presentaranse exclusivamente por medios electrónicos, en cumprimento da obriga imposta polo artigo 14.2.a) e d) da Lei 39/2015, do 1 de outubro, de procedemento administrativo común das administracións públicas (LPAC), a través da sede electrónica do Concello de Vigo, por calquera dos medios de identificación e firma admitidos na sede electrónica, que se poden consultar no enlace <https://sede.vigo.org>.

A mera presentación da solicitude suporá que as entidades solicitantes coñecen e aceptan as presentes bases reguladoras.

As solicitudes de subvención achegaranse debidamente cumprimentadas, mediante os modelos normalizados aprobados con estas bases, que estarán dispoñibles na páxina web do Concello de Vigo (www.vigo.org).

No caso de que se achegue a solicitude presencialmente, requirirase a súa emenda mediante a súa presentación electrónica. A estes efectos, considerarase como data de presentación da solicitude aquela na que tivese realizado a emenda (art. 68.4 LPAC).

Todas as solicitudes, así como as posibles emendas telemáticas contempladas no parágrafo anterior, deberán presentarse antes de que remate o prazo outorgado. A Comisión avaliadora non valorará as solicitudes de subvención que sexan presentadas con carácter extemporáneo e propondrá a súa denegación ao órgano competente.

As entidades solicitantes responsabilizaranse da veracidade dos documentos que presenten e dos datos contidos nas súas solicitudes.

Excepcionalmente, cando a relevancia do documento no procedemento o esixa ou existan dúbidas derivadas da calidade da copia electrónica, a Administración poderá requirir a exhibición do documento orixinal para o cotexo da copia electrónica presentada.

Se a documentación complementaria se achegase presencialmente, a entidade será requirida para emendala a través da súa presentación electrónica. Para estes efectos, considerarase como data de presentación aquela na que fose realizada a emenda.

Para a presentación da solicitude deberá achegarse a seguinte documentación:



Copia do documento - Concello de Vigo	Data impresión: 04/07/2024 03:56	Páxina 12 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- 1.- ANEXO I SOLICITUDE DE SUBVENCIÓN, solicitude asinada pola/o presidenta/e da entidade.
- 2.- ANEXO II CERTIFICADO DAS CATEGORÍAS E COMPETICIÓNS NAS QUE PARTICIPAN AS DEPORTISTAS da entidade, asinado pola/o secretaria/o e pola/o presidenta/e. Deberán indicarse as licenzas de entidade que correspondan: a deportistas, ao persoal adestrador, ao persoal técnico e ao persoal delegado, e desagregarse todas elas por sexo e por categorías.
- 3.- ANEXO III ORZAMENTO EQUILIBRADO DE INGRESOS E GASTOS para o período de referencia (tempada 2022/2023 ou do ano 2023 no caso das modalidades cuxa tempada deportiva sexa anual), asinado pola/o secretaria/o e pola/o presidenta/e.

O importe da previsión de ingresos e gastos que se reflicta neste anexo terase en conta na fase de xustificación, procedéndose a minorar a contía da axuda concedida cando se xustifique un gasto na tempada de referencia inferior ao 100% do orzamento indicado neste anexo. A axuda concedida sería entón minorada na mesma proporción.
- 4.- ANEXO IV DECLARACIÓN RESPONSABLE, asinado pola/o secretaria/o e pola/o presidenta/e.
- 5.- ANEXO V CERTIFICADO DA COMPOSICIÓN DA ACTUAL XUNTA DIRECTIVA, emitido pola/o secretaria/o da entidade, coa conformidade de quen ostente a presidencia da entidade, onde conste a composición da actual xunta directiva desagregada por sexo.
- 6.- Certificado/s emitido/s pola/s Federación/s de cada unha das disciplinas deportivas para as que se solicite a subvención no/s que conste o número de licenzas desagregadas por categoría e sexo na tempada 2022/2023 ou do ano 2023 no caso das modalidades cuxa tempada deportiva sexa anual.
- 7.- Código de identificación fiscal da entidade solicitante.
- 8.- Certificado da titularidade da conta bancaria da entidade solicitante expedido no ano 2023.
- 9.- DNI da/o presidenta/e da entidade.
- 10.- Proxecto das actividades que realiza a entidade na tempada de referencia, facendo especial fincapé nos aspectos cuantitativos e cualitativos da promoción do deporte feminino (competicións nas que participa cada un dos equipos da entidade con licenzas femininas ou, no seu caso, as deportistas individuais, número de equipos por categoría e sexo, logros acadados, valoración sobre o impacto de xénero na súa modalidade deportiva, etc.).

Segundo o establecido no art. 28.2 da LPAC, as persoas interesadas teñen dereito a non achegar documentos que xa se atopen en poder da Administración actuante ou fosen elaborados por calquera outra Administración. A Administración municipal, salvo oposición expresa da persoa interesada, consultará e obterá electronicamente, a través das súas redes corporativas ou mediante consulta ás plataformas de intermediación de datos u outros sistemas electrónicos habilitados ao efecto, os documentos que deban integrar o procedemento e que xa se atopen no seu poder ou que foran elaborados por calquera outra Administración.

En relación co dereito a non presentar documentos que obren en poder da Administración convocante, debe facerse constar a data e o órgano ou a dependencia na que foron presentados ou, no seu caso, o número de expediente ou procedemento no que se fixeron valer.



Copia do documento - Concello de Vigo	Data impresión: 04/07/2024 03:56	Páxina 13 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A Concellería de Igualdade pode requirir canta outra documentación acreditativa do cumprimento dos requisitos para participar na convocatoria considere necesaria, así como complementar a información facilitada pola entidade, para unha mellor avaliación das solicitudes achegadas.

DÉCIMO SEGUNDA.- EMENDA DA SOLICITUDE

Consonte o artigo 20.5 da Lei 9/2007, do 13 de xuño, de subvencións de Galicia e o artigo 68 da LPAC, se a solicitude achegada fose incompleta ou non reunise os requisitos esixidos nas presentes bases, a solicitante será requirida para que complete a documentación ou corrixa a deficiencia no prazo de 10 días hábiles, contados desde o día seguinte á data da notificación do requirimento, coa advertencia de que, de non facelo así, teráse por desistida da súa solicitude, logo da resolución ditada nos termos previstos no artigo 21 da LPAC.

As notificacións electrónicas realizaranse a través da sede electrónica do Concello de Vigo.

As notificacións por medios electrónicos entenderanse practicadas no momento no que se produza o acceso ao seu contido. A notificación entenderase rexeitada cando transcorresen 10 días naturais desde a posta á disposición da notificación sen que se acceda ao seu contido.

Se o envío da notificación electrónica non fose posible por problemas técnicos, practicarase a notificación polos medios previstos na normativa reguladora do procedemento administrativo común.

Remítanse ás interesadas os avisos da posta á disposición das notificacións ao enderezo de correo electrónico e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

DÉCIMO TERCEIRA.- PUBLICIDADE

1.- Publicidade da convocatoria e das bases reguladoras

As presentes bases reguladoras e a convocatoria, conforme o establecido no artigo 20.8 apartados a) e b) da Lei 38/2003, do 17 de novembro, xeral de subvencións, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, publicaranse en:

- a) As bases reguladoras: no Boletín Oficial da provincia de Pontevedra (BOPPO), no portal de transparencia e na páxina web do Concello de Vigo (www.vigo.org)
- b) A convocatoria: na Base de Datos Nacional de Subvencións (BDNS), no portal de transparencia e na páxina web do Concello de Vigo (www.vigo.org)
- c) O extracto da convocatoria: a BDNS publicará o extracto da convocatoria no BOPPO, publicación que determinará o inicio do prazo de 10 días hábiles para a presentación das solicitudes

A convocatoria e as súas bases reguladoras, así como o modelo de solicitude e demais modelos normalizados que constitúen os seus anexos, publicaranse na páxina web do Concello de Vigo (www.vigo.org) e na da Concellería de Igualdade (www.igualdadevigo.org).

2.- Publicidade das subvencións concedidas

As subvencións concedidas remitiranse ao portal de transparencia do Concello e á BDNS para a súa publicación con indicación da convocatoria, programa e crédito orzamentario ao que se imputan, entidades



Copia do documento - Concello de Vigo	Data impresión: 04/07/2024 03:56	Páxina 14 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

beneficiarias, cantidades concedidas e finalidade das subvencións con expresión dos distintos proxectos subvencionados.

3.- Publicidade do financiamento público

As entidades beneficiarias das subvencións deben deixar constancia do financiamento municipal en todas as comunicacións e en calquera actividade enmarcada no programa subvencionado coa inclusión da imaxe corporativa oficial do Concello de Vigo (equipamento, web e redes sociais, publicidade, etc.).

DÉCIMO CUARTA.- ÓRGANOS COMPETENTES PARA A INSTRUCCIÓN E A RESOLUCIÓN DO PROCEDEMENTO. PRAZO E MEDIOS PARA A NOTIFICACIÓN DA RESOLUCIÓN

A Concellería de Igualdade será a encargada da instrución do procedemento de concesión das subvencións e realizará de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución, de conformidade co previsto no art. 24 da Lei 38/2003, do 17 de novembro, xeral de subvencións.

Todos os trámites administrativos que se deban realizar durante a tramitación deste procedemento deberán ser realizados a través da sede electrónica do Concello de Vigo.

De conformidade co disposto na base sétima, a Comisión de avaliación avaliará as solicitudes de subvención presentadas. Esta comisión é o órgano colexiado composto pola concelleira-delegada de Igualdade, que actuará como presidenta, e por dúas técnicas, funcionarias adscritas ao Servizo de Igualdade, actuando unha delas, ademais, como secretaria.

O órgano instructor do procedemento poderá solicitar ao Servizo de Deportes canta información e documentación teña este Servizo sobre as entidades solicitantes, co obxecto de acadar un maior coñecemento e valoración dos proxectos e das entidades presentadas a esta convocatoria.

A Concellería de Igualdade, como órgano instructor, formulará a proposta de concesión das subvencións á Xunta de Goberno Local consonte a avaliación realizada.

O expediente de concesión de subvencións conterá o informe do órgano instructor no que conste que da información que ten no seu poder se desprende que as beneficiarias cumpren todos os requisitos necesarios para acceder a elas (artigo 21.4 parágrafo 6 da Lei 9/2007, do 13 de xuño, de subvencións de Galicia).

A Xunta de Goberno Local será o órgano competente para a resolución do procedemento de concesión e denegación destas subvencións. O prazo máximo para a instrución e notificación da resolución expresa deste procedemento será de catro meses, contados desde o último día do prazo de presentación das solicitudes na sede electrónica do Concello. A resolución notificaráselles ás solicitantes no prazo de 10 días a partir da súa data, de acordo co previsto nos artigos 21 e 40 da Lei 39/2015, do 1 de outubro, do procedemento administrativo común das administracións públicas (LPAC).

As notificacións electrónicas realizaranse a través da sede electrónica do Concello de Vigo.

Remítanse ás interesadas os avisos da posta á disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.



Copia do documento - Concello de Vigo	Data impresión: 04/07/2024 03:56	Páxina 15 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

As notificacións por medios electrónicos entenderanse practicadas no momento en que se produza o acceso ao seu contido. A notificación entenderase rexeitada cando transcorresen 10 días naturais desde a posta á disposición da notificación sen que se acceda ao seu contido.

Se o envío da notificación electrónica non fose posible por problemas técnicos, practicarase a notificación polos medios previstos na normativa reguladora do procedemento administrativo común.

Por tratarse dun acto integrante dun procedemento de concorrencia competitiva, poderá substituírse a notificación da resolución pola súa publicación na páxina web (www.vigo.org) e no taboleiro de anuncios do Concello de Vigo, de acordo co establecido no art. 45.1.b) da LPAC.

O vencemento do prazo máximo sen terse ditado e notificado resolución expresa, lexítima ás interesadas para entender desestimadas por silencio administrativo as súas solicitudes de subvención, sen prexuízo do disposto no artigo 25.1 da LPAC.

A resolución da Xunta de Goberno Local de concesión e denegación das axudas esgota a vía administrativa e contra a mesma poderá interpoñerse recurso potestativo de reposición ante a Xunta de Goberno Local no prazo dun mes de acordo co previsto nos artigos 123 e 124 da LPAC ou, directamente, recurso contencioso-administrativo perante os Xulgados do contencioso-administrativo de Vigo, no prazo de dous meses. Non se poderá interpoñer recurso contencioso-administrativo ata que se resolva expresamente ou se produza a desestimación por silencio administrativo do recurso de reposición interposto.

En todos os casos, os prazos contarase a partir do día seguinte ao da notificación ou publicación ou desde o seguinte a aquel no que se produza a desestimación por silencio administrativo, conforme establece o artigo 30.4 LPAC.

As entidades beneficiarias das axudas deben comunicarlle á Concellería de Igualdade a aceptación ou renuncia á axuda no prazo máximo de 10 días, a contar desde o día seguinte ao da notificación. A falta de manifestación expresa, entenderase aceptada.

A beneficiaria poderá renunciar expresamente á subvención concedida, que será aceptada de plano pola Administración concedente declarando concluso o procedemento correspondente, de conformidade co artigo 94 da LPAC.

DÉCIMO QUINTA.- XUSTIFICACIÓN DAS SUBVENCIÓNS

1.- Prazo de xustificación

As beneficiarias das subvencións deberán xustificar con data límite o **29 de setembro de 2023** (incluído) o cumprimento da finalidade para a que se concedeu a subvención e a aplicación dos fondos recibidos.

No caso de que xustificación fora defectuosa e/ou incompleta, concederase á entidade beneficiaria un prazo improrrogable de 10 días hábiles para a súa emenda. Transcorrido o prazo sen atender ao requirimento, e trala resolución ditada nos termos previstos no artigo 21 da LPAC, procederase á revogación da subvención concedida e, no seu caso, ao reintegro da contía percibida e á esixencia dos xuros de demora.

Conforme establece o artigo 70.3 do Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións, "transcorrido o prazo establecido de xustificación sen presentarse esta ante o órgano administrativo competente, este requirirá á beneficiaria para que no prazo improrrogable de quince días sexa presentada aos efectos previstos neste capítulo. A



Copia do documento - Concello de Vigo	Data impresión: 04/07/2024 03:56	Páxina 16 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

falla de presentación da xustificación no prazo establecido neste apartado levará consigo a esixencia de reintegro e demais responsabilidades establecidas na Lei xeral de subvencións. A presentación da xustificación no prazo adicional establecido neste apartado non eximirá á beneficiaria das sancións que, conforme á Lei xeral de subvencións, correspondan”.

De non presentar a xustificación no prazo adicional perderase o dereito a percibir a subvención.

2.- *Cantidade a xustificar*

A entidade beneficiaria terá que presentar facturas electrónicas ou copias dixitalizadas das facturas orixinais en papel por un importe que non poderá ser inferior á contía da subvención concedida. Ademais, deberá xustificar o custo total final do programa subvencionado mediante unha das seguintes opcións:

- Certificación que acredite que a actividade que foi obxecto da subvención foi executada na súa totalidade e o seu custo total foi de... € (punto 2 do anexo VI solicitude de pagamento), ou
- Presentación dun balance que abarque a totalidade do gasto, ou
- Presentación de copias de facturas polo gasto non subvencionado

Terase en conta como importe xustificativo a base imponible das facturas e demais documentos de valor probatorio equivalente que se presenten como xustificación, excepto que se acredite debidamente mediante certificado da Axencia Tributaria que a entidade está exenta de presentar a declaración do IVE, ou que se declare no anexo VI, apartado 7, que o importe do IVE das facturas que se presenten para xustificar a subvención concedida é asumido pola entidade beneficiaria ao non poder deducilo.

3.- *Sistema de xustificación e documentación necesaria*

A teor do disposto no art. 81 do Real Decreto 887/2006, establecece o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan na Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos (EIT) na xustificación das subvencións, resultando esixible a achega de facturas electrónicas e/ou copias dixitalizadas das facturas orixinais en papel.

No caso de que se achegue a documentación presencialmente, requirirase a súa emenda mediante a súa presentación electrónica. A estes efectos, considerarase como data de presentación da documentación aquela na que tivese realizado a emenda.

A entidade beneficiaria deberá achegar electronicamente a rendición da conta xustificativa que comprende a seguinte documentación:

a) ANEXO VI SOLICITUDE DE PAGAMENTO, asinado pola/o secretaria/o e pola/o presidenta/e da entidade. Coa sinatura deste anexo acredítanse, entre outros, os seguintes extremos:

- Que a actividade que foi obxecto da subvención foi executada na súa totalidade, indicando o seu custo total. Cando se declare un custo total inferior ao 100% do orzamento do proxecto que indicou a entidade no anexo III da súa solicitude de subvención, procederase a minorar a axuda concedida na mesma proporción.



Copia do documento - Concello de Vigo	Data impresión: 04/07/2024 03:56	Páxina 17 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Percepción doutras axudas ou subvencións para o proxecto subvencionado.
- Que os xustificantes acreditativos dos gastos que se presenten se aplicaron á actividade subvencionada co obxecto de promover o deporte feminino.
- Cando se xustifiquen gastos que constitúan rendementos incluídos no ámbito de aplicación do Imposto sobre a renda das persoas físicas e suxeitos a retención, que foi practicada a pertinente retención, declarada, liquidada e ingresada na Axencia Estatal da Administración Tributaria.
- Que a entidade está ao corrente das obrigas tributarias coa Axencia Tributaria, a consellería de Facenda da Xunta de Galicia, a Seguridade Social e o Concello de Vigo
- Que a entidade está exenta ou non está exenta da obriga de presentar a declaración do IVE e, de ser o caso, que o importe do IVE das facturas que se presentan para xustificar a subvención concedida é asumido pola entidade beneficiaria ao non poder deducilo.

b) ANEXO VII RELACIÓN DE FACTURAS ORIXINAIS PRESENTADAS IMPUTABLES Á AXUDA CONCEDIDA - CONTA XUSTIFICATIVA, asinado pola/o tesoureira/o e pola/o presidenta/e.

Consiste nunha relación clasificada das facturas que achega a entidade para xustificar a subvención concedida, cuxo importe total non poderá ser inferior á contía da axuda, con identificación de cada unha das facturas relacionadas indicando número e data, nome e CIF/NIF do/a provedor/a, concepto, base imponible e IVE.

c) Facturas electrónicas e/ou copias dixitalizadas das facturas orixinais en papel, que deben achegarse asinadas electronicamente pola/o representante legal da entidade.

As ditas facturas corresponderán a gastos que deben estar vinculados directamente coas actividades deportivas dos equipos con licenzas femininas ou das deportistas individuais. Deberán estar ordenadas e numeradas seguindo a clasificación do anexo VII e deberán conter os seguintes requisitos esixidos legalmente:

- Número e, no seu caso, serie
- Nome e apelidos ou razón social da persoa física ou xurídica que emite a factura
- Número de identificación fiscal (NIF ou CIF) da persoa física ou xurídica que emite a factura
- Descrición detallada cos prezos unitarios, se é o caso, da operación, adquisición ou contraprestación
- Lugar e data de emisión
- Denominación social, CIF e enderezo da clienta que, en todo caso, será a entidade beneficiaria da subvención

Nas facturas computarase o gasto acreditado, deducindo o IVE, salvo que se xustifique que se está exenta de presentar a declaración do IVE. As facturas emitidas por profesionais levarán a pertinente retención do IRPF.



Copia do documento - Concello de Vigo	Data impresión: 04/07/2024 03:56	Páxina 18 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

d) Memoria de actuación xustificativa do cumprimento do proxecto subvencionado na tempada de referencia facendo especial fincapé nos aspectos cuantitativos e cualitativos da promoción do deporte feminino (competicións nas que participa cada un dos equipos da entidade con licenzas femininas ou, no seu caso, as deportistas individuais, os resultados obtidos, o ámbito e o nivel acadado nas competicións, material gráfico impreso..., valoración sobre o impacto de xénero na súa modalidade deportiva, mencionando especialmente as actividades e logros realizados por mulleres e posibles necesidades detectadas).

e) No caso de xustificar a axuda concedida con facturas de gastos para equipamento, este deberá incorporar o logo do Concello de Vigo. Neste caso achegaranse fotografías do dito equipamento.

f) Calquera outra documentación que lle sexa solicitada polo Concello, en relación coa xustificación da subvención.

4.- Información complementaria

Non se admitirán facturas que non reúnan as condicións previstas no Real Decreto 1619/2012, do 30 de novembro, polo que se aproba o Regulamento polo que se regulan as obrigas de facturación, en vigor desde o 1 de xaneiro de 2013.

Atendendo á especificidade da actividade deportiva, aqueles gastos relacionados con arbitraxes, taxas oficiais das federacións deportivas e outros conceptos análogos poderán xustificarse a través de documentos orixinais emitidos polas federacións ou pola propia entidade deportiva: certificados de ingreso nas federacións, documentos de pago de arbitraxes, documentos de pago de premios deportivos, gastos de desprazamento das deportistas e do persoal técnico, etc. Estes documentos deberán recoller adecuadamente os datos fiscais das partes, as achegas económicas, as retencións obrigatorias de ser o caso, e demais datos que xustifiquen o valor probatorio do gasto en base á eficacia do mesmo.

En relación coa xustificación do pagamento do uso das instalacións deportivas municipais do Concello de Vigo será suficiente o documento orixinal emitido polo Concello de Vigo, acreditativo dos ingresos por eses conceptos, sempre e cando este mesmo importe non fose tido en conta para xustificar a subvención concedida na convocatoria específica de subvencións da Concellería de Deportes deste Concello. O Servizo de Igualdade solicitará información ao respecto ao Servizo de Deportes.

Nas subvencións concedidas a entidades dependentes ou relacionadas coa Universidade, a xustificación poderá consistir na certificación da Intervención ou órgano que teña atribuídas as facultades de control da toma de razón en contabilidade e do cumprimento da finalidade para a que foron concedidas.

En xeral, os documentos xustificativos deberán corresponderse con gastos relacionados de forma directa á tempada 2022/2023 ou do ano 2023 no caso das modalidades cuxa tempada deportiva sexa anual.

Non terá que constar de forma expresa que eses gastos foron pagados con anterioridade á finalización do proceso de xustificación determinado na convocatoria en atención á escasa contía das axudas que se conceden e á insuficiente capacidade económica da maior parte das entidades que concorren. Os artigos 31.2 da Lei 38/2003, do 17 de novembro, xeral de subvencións e 29.2 da Lei 9/2007, do 13 de xuño, de subvencións de Galicia permiten a excepción á regra xeral de considerar gasto realizado o que ten sido efectivamente pagado con anterioridade á finalización do período de xustificación determinado pola



Copia do documento - Concello de Vigo	Data impresión: 04/07/2024 03:56	Páxina 19 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

normativa reguladora da subvención, sempre que se dispoña de forma expresa nas bases reguladoras das subvencións.

Deberase ter en conta o establecido na base segunda desta convocatoria respecto dos gastos que teñen a condición de subvencionables e non subvencionables.

DÉCIMO SEXTA.- COMPROBACIÓN DAS SUBVENCÍONS

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada polos servizos da Concellería de Igualdade. A xefa do Servizo de Igualdade emitirá informe ao respecto no que fará constar, no seu caso, todas aquelas circunstancias que poidan resultar relevantes para considerar incumplida ou defectuosamente cumprida a actividade subvencionada e a xustificación achegada.

DÉCIMO SÉTIMA.- OBRIGA DE INFORMACIÓN

A beneficiaria deberá facilitar toda a información que lle sexa requirida pola Concellería de Igualdade e pola Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

DÉCIMO OITAVA.- PAGAMENTO

O aboamento das subvencións efectuarase mediante transferencia bancaria, unha vez remate o proxecto obxecto da subvención e sexa debidamente xustificado.

Procederase ao pagamento parcial ou á redución proporcional do importe da axuda nos seguintes casos:

- Cando se xustifique un custo total inferior ao 100 % do orzamento indicado pola entidade beneficiaria no anexo III da súa solicitude de subvención. A axuda será entón minorada na mesma proporción.
- Pola obtención de maiores ingresos ou financiamento do previsto.
- Polo incumprimento das obrigas da entidade beneficiaria.

As subvencións serán compatibles con calquera tipo de axuda concedida por administracións ou entes públicos ou privados. Toda alteración das condicións tidas en conta para a concesión da subvención e, en todo caso, a obtención concorrente doutras axudas, poderá dar lugar á modificación da resolución de concesión, xa que o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada (artigos 17.3 da Lei 9/2007 e 19.3 da Lei 38/2003).

A resolución-liquidación da axuda co pagamento parcial ou proporcional correspondente, será competencia da concelleira delegada de Igualdade.

Antes de proceder ao pagamento da subvención, a beneficiaria deberá acreditar estar ao corrente no cumprimento das súas obrigas fiscais e coa Seguridade Social e non ser debedora por resolución de procedencia de reintegro, o que poderá realizar simplificadaamente por medio dunha declaración responsable ao abeiro do art. 31.7.e) da Lei 9/2007 de subvencións de Galicia (punto 5 do anexo VI).

DÉCIMO NOVENA.- PERDA DO DEREITO AO COBRO, NULIDADE E REINTEGRO DAS SUBVENCÍONS. RÉXIME DE INFRACCIÓNS E SANCÍONS



Copia do documento - Concello de Vigo	Data impresión: 04/07/2024 03:56	Páxina 20 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

1.- Perda do dereito ao cobro

Dará lugar á perda do dereito ao cobro da subvención o incumprimento por parte da beneficiaria de calquera das obrigas previstas nestas bases reguladoras e na convocatoria e, especialmente, as obrigas ás que se condiciona o pagamento único da subvención, o incumprimento dos requisitos, condicións e demais circunstancias que determinaron o outorgamento da subvención, a variación da finalidade da actuación, a falta de xustificación da subvención ou a insuficiencia desta e a concorrencia dalgunha das causas previstas no artigo 33 da Lei de subvencións de Galicia (art. 31.5 da citada Lei).

Cando o incumprimento consista nunha diminución significativa da actividade subvencionada, traducible a termos económicos en función do proxecto presentado e do seu presuposto, que non implique verdadeiro incumprimento do obxectivo da subvención, procederá a perda do dereito á subvención ou a súa redución na mesma proporción. En todo caso, procederá a redución da subvención, coa conseguinte perda do dereito ao cobro ou, no seu caso, o reintegro do exceso da subvención sobre o custo da actividade subvencionada.

A comunicación destas circunstancias ao Concello efectuarase no momento en que se coñeza e, en todo caso, con anterioridade á xustificación da aplicación dada aos fondos recibidos.

2.- Nulidade, reintegro, infraccións e sancións

En canto ás causas de nulidade e anulabilidade do Acordo de concesión das axudas e de reintegro das mesmas estarase ao disposto nos artigos 32 e 33 da Lei 9/2007, do 13 de xuño, de subvencións de Galicia.

Nos casos do artigo 33 LSG, procederá o reintegro das cantidades percibidas e a esixencia dos xuros de demora desde o aboamento da subvención ata a data na que se acorde a procedencia do reintegro.

En canto ás infraccións e sancións en que poidan incurrir as entidades beneficiarias destas axudas e o procedemento para a súa imposición estarase ao disposto no título IV da Lei 9/2007, do 13 de xuño, de subvencións de Galicia e na Lei 39/2015, do 1 de outubro, do procedemento administrativo común das administracións públicas.

VIXÉSIMA.- TRATAMENTO DE DATOS DE CARÁCTER PERSOAL

Os datos das solicitantes e os das súas representantes serán incorporados aos ficheiros municipais. A finalidade da súa recollida é a instrución do procedemento para a concesión das subvencións obxecto das presentes bases reguladoras, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia co fin de concluír o proceso subvencional, polo que a súa achega é obrigatoria.

O Concello de Vigo ten a condición de responsable do tratamento deses datos e asume todas as obrigas derivadas do Regulamento (UE) 2016/679 – RXPd do Parlamento Europeo e do Consello do 27 de abril de 2016, sobre protección de datos de carácter persoal, e das demais disposicións vixentes nesta materia.

A lexitimación do tratamento deses datos está baseada no consentimento expreso das persoas interesadas en participar no procedemento e no exercicio lexitimo das competencias legais do Concello de Vigo no ámbito do fomento e promoción da igualdade, conforme coa normativa de réxime local e sectorial aplicable.



Copia do documento - Concello de Vigo	Data impresión: 04/07/2024 03:56	Páxina 21 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

O prazo de conservación dos datos facilitados será o necesario para a completa execución do procedemento, incluído o prazo de prescrición a efectos de posibles responsabilidades derivadas da actividade ou do dito tratamento.

Os datos poderán ser cedidos a outras administracións públicas cando sexa necesario para a correcta prestación do servizo ou ben en cumprimento dun mandato legal ou xudicial. Tamén poderán ser verificados e cotexados con calquera outros dos que as demais administracións dispoñan a fin de comprobar a súa exactitude e veracidade.

As persoas interesadas poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro (Concello de Vigo). Así mesmo teñen dereito a presentar unha reclamación perante a Axencia Española de Protección de Datos (www.aepd.es).

Poderán obter máis información na web municipal ou contactando co delegado de protección de datos no enderezo dpd.vigo@vigo.org.

VIXÉSIMO PRIMEIRA.- NORMATIVA DE APLICACIÓN

Esta convocatoria rexerese pola Lei 9/2007, do 13 de xuño, de subvencións de Galicia, a Lei 38/2003, do 17 de novembro, xeral de subvencións e o Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións, nos seus preceptos básicos; a lexislación básica estatal en materia de réxime local e de procedemento administrativo común; o Regulamento (UE) 2016/679 – RXPD do Parlamento Europeo e do Consello sobre protección de datos de carácter persoal e demais disposicións vixentes na materia; os preceptos non básicos da Lei 38/2003 e do Real Decreto 887/2006; as bases de execución do orzamento do Concello de Vigo aprobadas para o ano 2023 e o Plan Estratéxico de Subvencións do Concello de Vigo 2021-2023; as restantes normas de dereito administrativo e, no seu defecto, as normas de dereito privado.

CONVOCATORIA ESPECÍFICA DA CONCELEIRÍA DE IGUALDADE PARA A CONCESIÓN DE SUBVENCIÓNS A ENTIDADES DEPORTIVAS DE VIGO PARA A PROMOCIÓN DO DEPORTE FEMININO NA TEMPADA 2022/2023 OU DO ANO 2023 NO CASO DAS MODALIDADES CUXA TEMPADA DEPORTIVA SEXA ANUAL. EXPTE. 12101/224

O obxecto desta convocatoria é iniciar e establecer o procedemento para a concesión de subvencións ás entidades deportivas da cidade de Vigo que fomenten a participación e promoción das nenas e mulleres nas distintas disciplinas deportivas (equipos e/ou individuais) coa finalidade de promover o deporte feminino a través do apoio económico da Concellería de Igualdade/do Concello. Este apoio materializarase na contribución ao financiamento dos gastos ocasionados polo funcionamento destes clubs deportivos, asociacións e agrupacións deportivas e entidades deportivas do municipio de Vigo, durante a tempada deportiva 2022/2023 ou do ano 2023 no caso das modalidades cuxa tempada deportiva sexa anual.

A esta finalidade da convocatoria refírense os artigos 29 da Lei Orgánica 3/2007, do 22 de marzo, para a igualdade efectiva de mulleres e homes, 3.b) da Lei 3/2012, do 2 de abril, do deporte de Galicia, 25.2.l) e o) da Lei 7/1985, do 2 de abril, reguladora das bases do réxime local, e 80.2.n) e o) da Lei 5/1997, do 22 de xullo, de administración local de Galicia.



Copia do documento - Concello de Vigo	Data impresión: 04/07/2024 03:56	Páxina 22 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



PRIMEIRA.- BASES REGULADORAS

As bases reguladoras desta convocatoria, tras a súa aprobación mediante Acordo da Xunta de Goberno Local, publicaranse no Boletín Oficial da provincia de Pontevedra (BOPPO). Tamén poden consultarse no portal de transparencia e na páxina web do Concello de Vigo (www.vigo.org).

A convocatoria remitirase á Base de Datos Nacional de Subvencións, que dará traslado do extracto da mesma ao BOPPO para a súa publicación, sen prexuízo da súa inserción no portal de transparencia e na páxina web do Concello de Vigo.

SEGUNDA.- CONTÍA TOTAL E CRÉDITO ORZAMENTARIO

A cantidade máxima destinada a estas subvencións é de 45.000 euros (corenta e cinco mil euros) que se fará efectiva con cargo á aplicación orzamentaria 2311 4890000 *Promoción da igualdade e do deporte feminino* do orzamento do Servizo de Igualdade aprobado para o ano 2023. Poderán outorgarse subvencións superando esta contía sen nova convocatoria cando se dean as circunstancias previstas no artigo 31.2 da Lei 9/2007, do 13 de xuño, de subvencións de Galicia.

Este importe dividirase entre a suma total dos puntos acadados pola totalidade das solicitudes admitidas, obtendo desta forma o valor unitario do punto. A subvención para cada entidade calcularase multiplicando o valor unitario do punto polos puntos obtidos.

Establécense as contías de 200 euros e de 1.500 euros como contías mínima e máxima, respectivamente, da subvención a conceder a cada entidade beneficiaria. Por conseguinte, as entidades que, pola puntuación obtida na fase de valoración, non consigan unha axuda igual ou superior a 200 euros quedarán excluídas e as que acaden unha axuda superior a 1.500 euros quedarán limitadas a esta contía.

TERCEIRA.- OBXECTO DAS SUBVENCIÓNS

O obxecto destas subvencións é promover o deporte feminino a través da contribución ao financiamento dos gastos dos clubs deportivos, asociacións e agrupacións deportivas e entidades deportivas do municipio de Vigo que fomenten a participación e promoción das nenas e mulleres nas distintas disciplinas deportivas (equipos e/ou individuais), durante a tempada deportiva 2022/2023 ou do ano 2023 no caso das modalidades cuxa tempada deportiva sexa anual.

CUARTA.- GASTOS SUBVENCIONABLES

Serán gastos subvencionables os que de xeito indubidable correspondan ao funcionamento da entidade solicitante e sexan ocasionados pola actividade propia desta relacionada directamente coas licenzas femininas e os motivados pola participación ou organización das actividades deportivas dos equipos con licenzas femininas.

Tendo en conta o establecido no parágrafo anterior, terán a consideración de gastos subvencionables os seguintes:

- Pagamento das licenzas federativas femininas
- Viaxes, aloxamentos e comidas (concreción de menús) das deportistas femininas ou dos equipos femininos nos desprazamentos necesarios para as actividades deportivas de competición e/ou clasificación



Copia do documento - Concello de Vigo	Data impresión: 04/07/2024 03:56	Páxina 23 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Inscricións en competicións e probas das deportistas ou dos equipos femininos
- Arbitraxes de competicións e probas das deportistas femininas
- Equipo técnico e deportivo adestrador das deportistas ou dos equipos femininos
- Equipamento das deportistas femininas sempre que este equipamento incorpore o logo do Concello de Vigo
- Compra de material deportivo necesario para o adestramento ou competición das deportistas ou dos equipos femininos
- Alugueiro de instalacións deportivas para a actividade deportiva das deportistas ou dos equipos femininos, gastos telefónicos, de internet e mantemento das aplicacións web e/ou presenza dixital

En xeral, serán subvencionables todos os gastos ocasionados polo funcionamento da entidade deportiva que garden relación directa coa actividade deportiva das deportistas femininas ao longo da tempada 2022/2023 ou do ano 2023 no caso das modalidades cuxa tempada deportiva sexa anual.

Non se valorará como gasto subvencionable o uso das instalacións deportivas municipais do Concello de Vigo cando ese gasto fose tido en conta para xustificar a subvención concedida na convocatoria específica de subvencións da Concellería de Deportes deste Concello. O Servizo de Igualdade solicitará información ao respecto ao Servizo de Deportes.

Quedan excluídos como gastos subvencionables os seguintes: a adquisición de bebidas alcohólicas de calquera tipo, espectáculos, adquisición de patrimonio e/ou investimento e calquera outro gasto que non sexa necesario para a realización da actividade subvencionada.

QUINTA.- REQUISITOS DAS BENEFICIARIAS

1.- Poderán solicitar e obter estas axudas os clubs deportivos, asociacións e agrupacións deportivas e entidades deportivas que reúnan os seguintes requisitos:

- a) Que teñan a súa sede social ou delegación no termo municipal de Vigo.
- b) Que teñan personalidade xurídica propia e carezan de ánimo de lucro.
- c) Que se atopen ao corrente das súas obrigas fiscais co Concello de Vigo, coa Facenda Pública estatal e autonómica e coa Seguridade Social.
- d) Que cumpran os demais requisitos previstos no artigo 10 da Lei 9/2007, do 13 de xuño, de subvencións de Galicia, no artigo 13 da Lei 38/2003, do 17 de novembro, xeral de subvencións e no Real decreto 887/2006, de 21 de xullo, polo que se aproba o Regulamento da Lei 38/2003, do 17 de novembro, xeral de subvencións.
- e) Que conten cun mínimo de 10 licenzas femininas na tempada 2022/2023 ou do ano 2023 no caso das modalidades cuxa tempada deportiva sexa anual. Exceptúase do mínimo de licenzas ás entidades que conten, ao menos, con 1 licenza feminina de deporte adaptado.
- f) Que acompañen á solicitude a documentación preceptiva establecida na base 11ª.



Copia do documento - Concello de Vigo	Data impresión: 04/07/2024 03:56	Páxina 24 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

2.- Quedan excluídas expresamente desta convocatoria:

- a) As solicitudes presentadas por federacións deportivas.
- b) As solicitudes presentadas por clubs pertencentes ou integrados en institucións oficiais.
- c) As solicitudes que se presenten fóra do prazo estipulado na convocatoria, calquera que sexa a causa do atraso.

3.- As solicitantes deberán reunir os requisitos establecidos no artigo 10 da Lei 9/2007, do 13 de xuño, de subvencións de Galicia, e non estar incursas nas prohibicións para ser beneficiaria da subvención previstas no dito artigo. En consecuencia, as entidades solicitantes declararán non estar incursas nas prohibicións que recollen os apartados 2 e 3 do citado artigo 10 (punto 6 do anexo IV da solicitude).

4.- As solicitantes deberán toparse ao corrente no cumprimento das súas obrigas tributarias e coa Seguridade Social conforme ao establecido no artigo 22 do Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións. Dado que a contía máxima da axuda a conceder a cada beneficiaria nesta convocatoria non supera o importe de 3.000 euros, as solicitantes acreditarán que se topan ao corrente no cumprimento das súas obrigas tributarias e coa Seguridade Social de forma simplificada mediante unha declaración responsable de acordo co disposto no artigo 24 do Real Decreto 887/2006. Esta declaración responsable está incluída no punto 5 do anexo IV da solicitude.

5.- Igualmente, as solicitantes deberán acreditar que se topan ao corrente das súas obrigas co Concello de Vigo, para o cal, entenderase que, ao presentar a solicitude de subvención, autorizan á Comisión avaliadora para solicitar de oficio os datos e a documentación acreditativa de tal extremo aos departamentos administrativos responsables.

SEXTA.- PROCEDEMENTO DA CONCESIÓN DAS SUBVENCIONS

O procedemento para a concesión destas subvencións é o de concorrencia competitiva que se iniciará de oficio tras a aprobación das bases reguladoras e da convocatoria pola Xunta de Goberno Local.

SÉTIMA.- ÓRGANOS COMPETENTES PARA A INSTRUCCIÓN E A RESOLUCIÓN DO PROCEDEMENTO. PRAZO E MEDIOS PARA A NOTIFICACIÓN DA RESOLUCIÓN

A Concellería de Igualdade será a encargada da instrución do procedemento de concesión das subvencións e realizará de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución, de conformidade co previsto no art. 24 da Lei 38/2003, do 17 de novembro, xeral de subvencións.

A Comisión de avaliación é o órgano colexiado que avaliará as solicitudes de subvención presentadas. Esta comisión está composta pola concelleira-delegada de Igualdade, que actuará como presidenta, e por dúas técnicas, funcionarias adscritas ao Servizo de Igualdade, actuando unha delas, ademais, como secretaria.

A Concellería de Igualdade, como órgano instrutor, formulará a proposta de concesión das subvencións á Xunta de Goberno Local consonte a avaliación realizada.

O expediente de concesión de subvencións conterá o informe do órgano instrutor no que conste que da información que ten no seu poder se desprende que as beneficiarias cumpren todos os requisitos



Copia do documento - Concello de Vigo	Data impresión: 04/07/2024 03:56	Páxina 25 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

necesarios para acceder a elas (artigo 21.4, parágrafo 6 da Lei 9/2007, do 13 de xuño, de subvencións de Galicia).

A Xunta de Goberno Local é o órgano competente para conceder e denegar as axudas. O prazo máximo para a instrución e notificación da resolución expresa deste procedemento é de catro meses, contado desde o último día de prazo de presentación das solicitudes na sede electrónica do Concello de Vigo. A resolución notificaráselles ás solicitantes no prazo de 10 días a partir da súa data, de acordo co previsto nos artigos 21 e 40 da Lei 39/2015, do 1 de outubro, do procedemento administrativo común das administracións públicas (LPAC). Por tratarse dun acto integrante dun procedemento de concorrencia competitiva, poderá substituírse a dita notificación pola publicación da resolución na páxina web (www.vigo.org) e no taboleiro de anuncios do Concello de Vigo, de acordo co establecido no art. 45.1.b) da LPAC.

O vencemento do prazo máximo sen terse ditada e notificada a resolución, lexitima ás interesadas para entender desestimadas por silencio administrativo as súas solicitudes de subvención, sen prexuízo do disposto no artigo 25.1 da LPAC.

O Acordo da Xunta de Goberno Local de concesión e denegación das axudas esgota a vía administrativa e contra o mesmo poderá interpoñerse recurso potestativo de reposición ante a Xunta de Goberno Local no prazo dun mes de acordo co previsto nos artigos 123 e 124 da LPAC ou, directamente, recurso contencioso-administrativo perante os Xulgados do contencioso-administrativo de Vigo, no prazo de dous meses. Non se poderá interpoñer recurso contencioso-administrativo ata que se resolva expresamente ou se produza a desestimación por silencio administrativo do recurso de reposición interposto. Os prazos contaránse a partir do día seguinte ao da notificación ou publicación ou desde o seguinte a aquel no que se produza a desestimación por silencio administrativo, conforme establece o artigo 30.4 LPAC.

OITAVA.- FORMA E PRAZO DE PRESENTACIÓN DAS SOLICITUDES

En cumprimento da obriga imposta polo artigo 14.2.a) e d) da Lei 39/2015, do 1 de outubro, do procedemento administrativo común das administracións públicas (LPAC), establécese o emprego, de xeito exclusivo, de medios electrónicos para presentar a solicitude e a documentación esixida pola presente convocatoria e as súas bases reguladoras, a través da sede electrónica do Concello de Vigo, por calquera dos medios de identificación e firma admitidos na sede electrónica, que se poden consultar no enlace <https://sede.vigo.org>.

No caso de que se achegue a solicitude presencialmente, requirirase a súa emenda mediante a súa presentación electrónica. A estes efectos, considerarase como data de presentación da solicitude aquela na que se tivese realizado a emenda, conforme ao artigo 68.4 LPAC.

O prazo de presentación de solicitudes e documentación complementaria correspondente é de 10 días hábiles, que se contarán, nos termos do art. 30.3 da Lei 39/2015, do 1 de outubro, do procedemento administrativo común das administracións públicas, dende o día seguinte ao da publicación do extracto desta convocatoria no Boletín Oficial da provincia de Pontevedra, que será comunicado desde a Base de Datos Nacional de Subvencións (BDNS), que opera como sistema nacional de publicidade de subvencións, sen prexuízo da súa inserción na web do Concello de Vigo.



Copia do documento - Concello de Vigo	Data impresión: 04/07/2024 03:56	Páxina 26 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

NOVENA.- SOLICITUDE E DOCUMENTACIÓN

Nesta convocatoria, cada entidade deportiva poderá presentar unha única solicitude, que deberá estar asinada pola/o presidenta/e da entidade e reunir os requisitos esixidos nesta convocatoria e nas bases reguladoras.

As solicitudes de subvención achegaranse debidamente cumprimentadas mediante os modelos normalizados aprobados coas bases reguladoras, que estarán dispoñibles na páxina web do Concello de Vigo (www.vigo.org).

Para a presentación da solicitude, deberá achegarse a seguinte documentación:

- 1.- ANEXO I SOLICITUDE DE SUBVENCIÓN, asinado pola/o presidenta/e da entidade.
- 2.- ANEXO II CERTIFICADO DAS CATEGORÍAS E COMPETICIÓN NAS QUE PARTICIPAN AS DEPORTISTAS, asinado pola/o secretaria/o e pola/o presidenta/e. Deberán indicarse as licenzas da entidade que correspondan: a deportistas, ao persoal adestrador, ao persoal técnico e ao persoal delegado, e desagregarse todas elas por sexo e por categorías.
- 3.- ANEXO III ORZAMENTO EQUILIBRADO DE INGRESOS E GASTOS para o período de referencia (tempada 2022/2023 ou do ano 2023 no caso das modalidades cuxa tempada deportiva sexa anual), asinado pola/o secretaria/o e pola/o presidenta/e.

O importe da previsión de ingresos e gastos que se reflicta neste anexo terase en conta na fase de xustificación, procedéndose a minorar proporcionalmente a contía da axuda concedida cando se xustifique un gasto na tempada de referencia inferior ao 100% do orzamento indicado neste anexo.

- 4.- ANEXO IV DECLARACIÓN RESPONSABLE, asinado pola/o secretaria/o e pola/o presidenta/e.
- 5.- ANEXO V CERTIFICADO DA COMPOSICIÓN DA ACTUAL XUNTA DIRECTIVA, emitido pola/o secretaria/o da entidade, coa conformidade da/o presidenta/e, no conste a composición da actual xunta directiva desagregada por sexo.
- 6.- Certificado/s emitido/s pola/s Federación/s de cada unha das disciplinas deportivas para as que se solicita a subvención onde conste o número de licenzas da entidade na tempada 2022/2023 ou do ano 2023 no caso das modalidades cuxa tempada deportiva sexa anual, desagregadas por categoría e sexo.
- 7.- Código de identificación fiscal da entidade solicitante.
- 8.- Certificado da titularidade da conta bancaria da entidade solicitante con data de expedición do ano 2023.
- 9.- DNI da/o presidenta/e da entidade.
- 10.- Proxecto das actividades que realiza a entidade na tempada de referencia, facendo especial fincapé nos aspectos cuantitativos e cualitativos da promoción do deporte feminino (competicións nas que participa cada un dos equipos da entidade con licenzas femininas ou, no seu caso, as deportistas individuais, número de equipos por categoría e sexo, logros acadados, valoración sobre o impacto de xénero na súa modalidade deportiva, etc.).

DÉCIMA.- CRITERIOS PARA A CONCESIÓN DA SUBVENCIÓN



Copia do documento - Concello de Vigo	Data impresión: 04/07/2024 03:56	Páxina 27 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A concesión das subvencións atenderá a criterios obxectivos e se tramitarán en réxime de concorrencia competitiva, tendo sempre como límite as dispoñibilidades orzamentarias do Servizo de Igualdade destinadas para tal fin no presente exercicio.

Neste sentido, logo de excluír as solicitudes segundo o estipulado no punto 2 da base quinta, a Comisión avaliadora, para efectuar a proposta de resolución, valorará as solicitudes presentadas tendo en conta os seguintes criterios e baremos de puntuación sobre un máximo de 26 puntos:

1.- Número de licenzas femininas na tempada deportiva 2022-2023 ou do ano 2023 no caso das modalidades deportivas cuxa tempada sexa anual Ata un máximo de 16 puntos no caso das modalidades deportivas do apartado 1.1 e de 8 puntos no caso das modalidades deportivas do apartado 1.2:

1.1 Puntuación segundo o número de licenzas femininas (excepto: actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel):

- a) Con menos de 35 licenzas femininas: 4 puntos
- b) Con 35 licenzas femininas e menos de 60: 6 puntos
- c) Con 60 licenzas femininas e menos de 85: 8 puntos
- d) Con 85 licenzas femininas e menos de 110: 10 puntos
- e) Con 110 licenzas femininas e menos de 135: 12 puntos
- f) Con 135 licenzas femininas e menos de 150: 14 puntos
- g) Con 150 licenzas ou máis: 16 puntos

1.2 Puntuación segundo o número de licenzas femininas para actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel:

- a) Con menos de 70 licenzas femininas: 2 puntos
- b) Con 70 licenzas femininas e menos de 120: 3 puntos
- c) Con 120 licenzas femininas e menos de 170: 4 puntos
- d) Con 170 licenzas femininas e menos de 220: 5 puntos
- e) Con 220 licenzas femininas e menos de 270: 6 puntos
- f) Con 270 licenzas femininas e menos de 320: 7 puntos
- g) Con 320 licenzas ou máis: 8 puntos

Cando unha mesma entidade presente licenzas femininas correspondentes a varias disciplinas deportivas, sexan do mesmo ou de distintos apartados 1.1 e 1.2, calcularase a puntuación que corresponda a cada disciplina e logo sumarse para acadar a puntuación total do apartado 1.

2.- Porcentaxe de licenzas femininas con respecto ao total de licenzas na tempada 2022/2023 ou do ano 2023 no caso das modalidades deportivas cuxa tempada sexa anual. Ata un máximo de 5 puntos



Copia do documento - Concello de Vigo	Data impresión: 04/07/2024 03:56	Páxina 28 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

no caso das modalidades deportivas do apartado 2.1 e de 3 puntos no caso das modalidades deportivas do apartado 2.2:

2.1 Puntuación segundo a porcentaxe de licenzas femininas (excepto: actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel):

- a) Ata o 20% de licenzas femininas: 1 punto
- b) Máis do 20% de licenzas femininas ata o 40%: 2 puntos
- c) Máis do 40% de licenzas femininas ata o 60%: 3 puntos
- d) Máis do 60% de licenzas femininas ata o 80%: 4 puntos
- e) Máis do 80% de licenzas femininas: 5 puntos

2.2 Puntuación segundo a porcentaxe de licenzas femininas para actividades subacuáticas, bádminton, golf, hípica, judo, karate, montañismo, espeleoloxía, surf, taekwondo, tenis e pádel:

- a) Ata o 20% de licenzas femininas: 1 punto
- b) Máis do 20% de licenzas femininas ata o 40%: 1,5 puntos
- c) Máis do 40% de licenzas femininas ata o 60%: 2 puntos
- d) Máis do 60% de licenzas femininas ata o 80%: 2,5 puntos
- e) Máis do 80% de licenzas femininas: 3 puntos

Cando unha mesma entidade presente licenzas correspondentes a varias disciplinas deportivas, sexan do mesmo ou de distintos apartados 2.1 e 2.2, calcularase a porcentaxe de licenzas femininas de cada modalidade deportiva con respecto ao total de licenzas da entidade. Calcularase a puntuación para cada deporte e despois sumárase para acadar a puntuación total do apartado 2.

A documentación que se terá en conta para facer o recuento de licenzas, así como para clasificar as modalidades deportivas, será o certificado emitido pola federación correspondente no que debe constar o número de licenzas desagregadas por categoría e sexo. Estes datos cotexarase co anexo II da solicitude, que deberá achegarse asinado pola/o secretaria/o e pola/o presidenta/e da entidade. No caso de que se atopen discrepancias entre os datos reflectidos nestes documentos, prevalecerá o certificado da federación deportiva, salvo erros materiais detectados.

3.- Porcentaxe de mulleres que integran a actual xunta directiva da entidade. Ata un máximo de 5 puntos:

- a) Se ningunha muller forma parte da actual xunta directiva da entidade: 0 puntos
- b) Menos do 20% de mulleres: 1 punto
- c) Do 20% de mulleres ata menos do 40%: 2 puntos
- d) Do 40% de mulleres ata menos do 60%: 3 puntos
- e) Do 60% de mulleres ata menos do 80%: 4 puntos



Copia do documento - Concello de Vigo	Data impresión: 04/07/2024 03:56	Páxina 29 de 30
SUBVENCIONS	CSV: AH4H53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

f) Do 80% de mulleres en diante: 5 puntos

DÉCIMO PRIMEIRA.- PUBLICIDADE

3.- Publicidade da convocatoria e das súas bases reguladoras

A presente convocatoria e as súas bases reguladoras, conforme establece o artigo 20.8 apartados a) e b) da Lei 38/2003, do 17 de novembro, xeral de subvencións, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, publicaranse en:

- a) As bases reguladoras: no Boletín Oficial da provincia de Pontevedra (BOPPO), no portal de transparencia e na páxina web do Concello de Vigo (www.vigo.org)
- b) A convocatoria: na Base de Datos Nacional de Subvencións (BDNS), no portal de transparencia e na páxina web do Concello de Vigo (www.vigo.org)
- c) O extracto da convocatoria: a BDNS publicará o extracto da convocatoria no BOPPO, publicación que determinará o inicio do prazo de 10 días hábiles para a presentación das solicitudes

A convocatoria e as súas bases reguladoras, así como o modelo de solicitude e demais modelos normalizados que constitúen os seus anexos, publicaranse na páxina web do Concello de Vigo (www.vigo.org) e na da Concellería de Igualdade (www.igualdadevigo.org).

4.- Publicidade das subvencións concedidas

As subvencións concedidas remitiranse ao portal de transparencia do Concello e á BDNS para a súa publicación con indicación da convocatoria, programa e crédito orzamentario ao que se imputan, entidades beneficiarias, cantidades concedidas e finalidade das subvencións con expresión dos distintos proxectos subvencionados.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 04/07/2024 03:56	Páxina 30 de 30
SUBVENCIONS	CSV: AHAH53-B6AA52-8CAE56-A1AN3K-X6VHS9-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		